

Dekorasi barang tempatan

Restoran Songket ketengah konsep tradisional Melayu.

MELANGKAH masuk ke pekarangan Restoran Songket yang terletak di Jalan Yap Kwan Seng, Kuala Lumpur, diri seakan-akan berada di sebuah rumah Melayu yang sarat dengan ciri tradisional.

Daripada bentuk luaran hingga dekorasi, semuanya melambangkan unsur tradisional.

Pemilik bertindak bijak apabila menggunakan produk yang sememangnya digemari ramai sejak zaman-berzaman iaitu songket sebagai nama restoran ini.

Menurut pemiliknya, Zamri Jemintan, songket dipilih kerana ia merupakan lambang eksklusif dan mempunyai pelbagai corak serta warna yang menarik.

"Pada mulanya saya mahu meletakkan batik sebagai nama restoran tetapi tiba-tiba saya terfikir, lebih baik guna nama songket kerana nampak unsur tradisionalnya. Ia juga sesuai dengan konsep restoran ini."

"Daripada buku menu sehinggalah ke napkin, semuanya menggunakan motif songket untuk menambahkan aura tradisional di sini," ujarnya yang membuka restoran ini tahun lalu.

Rumah kampung

Melangkah masuk ke restoran ini membuatkan penulis berasa seperti meneroka sebuah rumah kampung apatah lagi selepas melihat bumbung kayunya sama seperti yang boleh disaksikan si rumah-rumah Melayu.

"Saya tidak mengupah perekat dalaman. Saya hanya mencuba idea yang diah lahir sendiri untuk menimbulkan suasana seperti rumah kampung."

"Kesemuanya bahan dekorasi daripada lampu hiasan hingga ke napkin, saya peroleh di dalam negara, tiada satu pun yang diimport."

"Ini kerana songket sendiri merupakan produk Malaysia. Saya juga mahu mengkemas aura tradisional Melayu untuk dinikmati oleh pelancong asing yang berkunjung ke restoran ini," tambahnya yang berpengalaman selama 12 tahun dalam bidang masakan.

Jelasnya, dekorasi bahagian

Oleh NOOR SYAHIDATOOL AQMA MOHD.NOOR
aqma.mohdnoor@kosmo.com.my



BUKU menu restoran turut menggunakan motif songket.

luar restoran itu yang menggunakan separuh kayu dan separuh batu turut melambangkan konsep tradisional.

Lengkungan dinding berhias motif songket yang dibingkai cantik menyerikan lagi ruang di restoran ini.

Di sekeliling restoran ini pula, pemilik memiliki untuk menanam pokok buah-buahan seperti pisang yang banyak ditemui kampung.

Di bahagian pintu masuk diletakkan beberapa lukisan yang mengambil inspirasi daripada seni bina rumah di negeri-negeri seperti rumah Negeri Sembilan, Kedah dan Johor.

Konsep dalaman restoran ini dimodifikasi dengan menonjolkan kesan kreativiti dalam penggunaan bahan, seni bina dan teknik cat sentuhan tangan bagi menghidupkan mood pada permukaan dinding di ruang bar minuman.

Pada atasnya restoran ini terbahagi kepada dua, iaitu ruang makan di sebelah dalam yang berhawa dingin dan teres di bahagian luar.

Ia bagi memberikan suasana santai kepada pengunjung yang sedang menikmati hidangan.

KOLAM ikan di luar restoran bertambah meriah dengan penceran lampu berwarna-warni pada waktu malam.



KEPELBAGAIAN warna songket menarik minat pengunjung asing.



RUANG makan VIP yang boleh menempatkan 15 orang pada satu-satu masa.



RUANG bar minuman yang menggunakan teknik sentuhan cat.



RESTORAN Songket menjadi pilihan pelancong asing yang gemarkan masakan Melayu.



KERTAS dinding motif songket di ruang VIP.



MOTIF songket diterjemahkan dalam penggunaan napkin dan pelapik meja.



LUKISAN rumah tradisional negeri-negeri di pintu masuk restoran.



TERES di bahagian luar memudahkan pengunjung menikmati makanan dalam keadaan santai.



SETIAP ruang makan berhawa dingin akan dipisahkan dengan tirai.



SETIAP ruang makan berhawa dingin akan dipisahkan dengan tirai.



EKSTRA
Restoran Songket

Pemilik: Zamri Jemintan
Umur: 31 tahun

Jenis bangunan: Restoran
Keluasan: 3,048 meter persegi

Alamat: No. 29, Jalan Yap Kwan Seng, 50450 Kuala Lumpur
Bil. kaki tangga: 22 orang

Konsep hiasan: Tradisional Melayu

Kos dekorasi: RM100,000

Tel: 03-2161 3331

Laman web: www-songketrestaurant.com

E-mel: info@songket-restaurant.com

Facebook: www.facebook.com-songketrestaurant

Pada waktu malam restoran ini tampak lebih eksklusif kerana disimbali kerlipan cahaya dan juriain lampu yang menghiasi siling. Pemandangan Menara Berkembar Petronas (KLCC) turut dapat disaksikan di bahagian luar restoran ini.

Restoran yang boleh menempatkan 230 orang pada satu-satu masa ini menyediakan persembahan tarian tradisional setiap hari bermula pukul 8.30 malam hingga 9.15 malam. "Persembahan tarian Melayu, India, Cina serta suku kaum lain dipersembahkan sebagai hiburan kepada pengunjung khususnya pelancong asing.

"Dari situ mereka boleh melihat keunikan budaya di Malaysia," ujarnya sambit menambah, lebih 50 menu pembuka selera ditawarkan dengan harga serendah RM10 hingga RM80.

Restoran Songket dibuka dari pukul 12.30 tengah hari hingga 3 petang. Ia dibuka semula pada pukul 6 petang dan berlanjut hingga 11 malam pada hari biasa manakala pukul 4 petang hingga 11 malam bagi hujung minggu dan cuti umum.

